

ბრძანება

04 აგვისტო 2017 წ.

თბილისი

№ 100/01.

თბილისის სახელმწიფო სამედიცინო უნივერსიტეტში 2017-2018 სასწავლო წლის ორგანიზაციულ-სამართლებრივი ღონისძიებების განსაზღვრის შესახებ

„უმაღლესი განათლების შესახებ“ საქართველოს კანონის 22-ე მუხლის, „საქართველოს ზოგადი ადმინისტრაციული კოდექსის“, „საქართველოს ერთიანი ეროვნული გამოცდების ჩატარების დებულებისა და სახელმწიფო გრანტის განაწილების წესის დამტკიცების შესახებ“ 2011 წლის 18 თებერვლის №19/6 ბრძანების შესაბამისად 2017-2018 სასწავლო წლის დაწყებისათვის აუცილებელი ორგანიზაციულ-სამართლებრივი საკითხების მოწესრიგების მიზნით:

ვბრძანებ:

1. თბილისის სახელმწიფო სამედიცინო უნივერსიტეტში 2017-2018 სასწავლო წლის სასწავლო პროცესის ვადები განისაზღვროს შემდეგი წესით:

ა) პირველადი ადმინისტრაციული რეგისტრაცია: 4 სექტემბერი – 16 სექტემბერი 2017 წ.

ბ) გადმოყვანის წესით ჩარიცხულ სტუდენტთა რეგისტრაცია: 11 სექტემბერი - 29 სექტემბერი 2017 წ.

გ) სტუდენტთა შემოდგომის სემესტრული რეგისტრაცია: 4 სექტემბერი – 29 სექტემბერი 2017 წ.

დ) შემოდგომის სემესტრის ვადები: 18 სექტემბერი, 2017 წ. – 23 თებერვალი 2018 წ.

ე) შემოდგომის სემესტრის საგამოცდო სესია: 9 იანვარი 2018 წ - 23 თებერვალი, 2018 წ.

ვ) დამამთავრებელი გამოცდები: 2018 წ 5 თებერვლიდან.

ზ) სტუდენტთა საახალწლო-საშობაო არდადეგები: 30 დეკემბერი 2017 წ - 7 იანვარი 2018 წ.

თ) სტუდენტთა გაზაფხულის სემესტრული რეგისტრაცია: 20 თებერვალი 2018 წ – 16 მარტი, 2018 წ.

ი) გაზაფხულის სემესტრის ვადები: 26 თებერვალი 2018 წ - 23 ივლისი 2018 წ.

კ) მედიცინის ფაკულტეტის დამამთავრებელი კურსის გაზაფხულის სემესტრის დაწყების ვადა: 2018 წ. 19 თებერვალი.

ლ) დამამთავრებელი გამოცდები: 2018 წ. 11 ივნისიდან.

მ) გაზაფხულის სემესტრის საგამოცდო სესია: 11 ივნისი 2018 წ – 21 ივლისი 2018 წ.

ნ) გამოცდები მედიცინის ფაკულტეტის IV-V კურსის კლინიკურ დისციპლინებში, ჯანდაცვის, ფიზიკური მედიცინისა და რეაბილიტაციის ფაკულტეტების II, III და IV კურსის და უმაღლესი პროფესიული პროგრამების (მილევადი რეჟიმი) II და III კურსის დისციპლინებში ჩატარდეს კურაციული მეცადინეობის დასრულებიდან ერთი კვირის ვადაში დამტკიცებული საგამოცდო ცხრილის მიხედვით, განმეორებითი გამოცდები - შესაბამისი სემესტრის სასესიო პერიოდში.

ო) გამოცდები სტომატოლოგიის ფაკულტეტის III და IV კურსის არაპროფილურ კლინიკურ დისციპლინებში ჩატარდეს კურაციული მეცადინეობის დასრულებიდან ერთი კვირის ვადაში დამტკიცებული საგამოცდო ცხრილის მიხედვით, განმეორებითი გამოცდები - შესაბამისი სემესტრის დამატებით სასესიო პერიოდში.

2. სათანადო საფუძვლების ან ფორსმაჟორული გარემოებების არსებობისას, რექტორის ინდივიდუალური ადმინისტრაციულ-სამართლებრივი აქტით შეიძლება განისაზღვროს ამ ბრძანების 1-ლი პუნქტით დადგენილისაგან განსხვავებული სასწავლო პროცესის თარიღები.

3. სტუდენტთა სავალდებულო ადმინისტრაციული და აკადემიური რეგისტრაცია (შემდგომში რეგისტრაცია) განხორციელდეს ამ ბრძანებით დადგენილ ვადებში.

4. საქართველოს განათლებისა და მეცნიერების სამინისტროს შესაბამისი ადმინისტრაციულ-სამართლებრივი აქტით უნივერსიტეტში სწავლაზე უფლებამოსილებულ პირთა თსსუ-ში ჩარიცხვის წინაპირობაა პირველადი ადმინისტრაციული რეგისტრაციის გავლა. რეგისტრაცია ითვალისწინებს უნივერსიტეტის შესაბამისი ფაკულტეტის სამდივნოში შემდეგი დოკუმენტაციის წარმოდგენას:

ა) განცხადება უნივერსიტეტში ჩარიცხვის თაობაზე;

ბ) ზოგადი განათლების დამადასტურებელი დოკუმენტი;

გ) სამხედრო აღრიცხვაზე ყოფნის დამადასტურებელი დოკუმენტი (ვაჟებისათვის).

დ) ოთხი ფერადი ფოტოსურათი (3X4);

ე) პირადობის მოწმობის ასლი;

ვ) სწავლის საფასურის გადახდის დამადასტურებელი დოკუმენტი.

5. უნივერსიტეტის ყველა სტუდენტი ვალდებულია გაიაროს სემესტრული რეგისტრაცია – ადმინისტრაციული (სწავლის საფასურის გადახდა) და აკადემიური (საგნობრივი) - „სასწავლო პროცესის მართვის სისტემის“ საშუალებით

6. სტუდენტი, რომელიც არ გაივლის რეგისტრაციას წინამდებარე ბრძანებით დადგენილ ვადაში, არ დაიშვება სასწავლო პროცესზე. სასწავლო პროცესში თვითნებურად მონაწილეობის მიღება არ წარმოშობს მის უფლებას მოითხოვოს შეფასების აღიარება.

7. სახელმწიფო გრანტით ნაწილობრივი დაფინანსების მქონე სტუდენტებმა სახელმწიფო დაფინანსებისა და სწავლის საფასურს შორის არსებული სხვაობა უნდა დაფარონ ადმინისტრაციული რეგისტრაციისათვის დადგენილ ვადებში;

8. კონტროლი ამ ბრძანების შესრულებაზე დაევალოს ვიცე-რექტორს ხ.თოდაძეს.

9. ბრძანება დაეგზავნოს ვიცე-რექტორებს, ხარისხის უზრუნველყოფის სამსახურს, გამოცდებისა და უნარჩვევების შეფასების ცენტრს, სასწავლო პროგრამების მართვის, შეფასებისა და სტუდენტთა რეგისტრაციის დეპარტამენტს, ყველა ფაკულტეტის დეკანატს, ფინანსური რესურსების მართვის და აღრიცხვა-ანგარიშგების დეპარტამენტს, ყველა სასწავლო დეპარტამენტს.

10. წინამდებარე ბრძანება ძალაშია ხელმოწერისთანავე.

პროფესორი ზურაბ ვადაჭკორია
რექტორი